

長安縣志



初修長安縣志序



長安故有志乃宋龍圖學士宋敏求氏
所輯輯成周以來歷代建都遺跡非邑
志也而創修邑志實自今李侯始是志
也分類大略準大明一統志遵制也中
多增入以邑志較郡國志例當詳耳邑

爲會省附郭往代無論明興以來名宦
接踵而山川靈秀所鍾如倉頡文武周
公以下聖賢又濟濟相望其人物甲於
它邑惟是世遠籍亡末繇考鏡止據通
志及聞見旣真者書之其名宦見任鄉
賢見在者又例不敢書於心終歉然也

孝子節婦止書已旌及蓋棺論定者論
俱不敢輕載田賦戶口俱依印冊詳書
一字無容增損漏澤園附陵墓後見國
朝恩澤不惟加廩仕抑且及枯骨耳寺
觀列災祥後亦示崇正抑邪意至仙釋
中多涉幻妄故直削之藝文書其有關

地方者餘雖工不書唐劉子元云古之
國史異聞則書今志亦史之流也故倣
之亦略載數則嗚呼志以紀事惟求實
錄第令後世文獻足徵無貽以文勝質
之誚足矣烏庸繪章飾句以誇多闕靡
焉也載筆同修者王給諫嗣音及監冑

何補之秦東周庠士桑本立韓在等而不肖從吾鹿鹿無能爲役殊切自愧所幸當吾世而得遭茲盛舉聿觀厥成豈非生平一大快也哉雖然余尤有感焉如山川田賦之類終南在南而誤書於北田賦本少而誤書爲多人猶得執其

誤而更正之倘人物一有遺漏則後之人將安所考乎如孟獻子有及五人而竟逸其三董仲舒一代大儒而竟逸其字真爲千古遺恨又如古今作家譜者卽子孫亦多逸其祖先之名雖孝子慈孫將奈之何亦足悲矣余故於人物一

志特爲加詳雖不敢泛必不敢略卽知
此猶恐名世賢達與時俱往未盡搜錄
而深山窮谷寧無潛修靜養其人者卽
里閭亦罕知之况數世之下百里之遠
孰從而物色之哉以彼其人雖無心於
身後之名而後生小子竟使梓里先哲

泯沒不傳尚爰私淑之謂何余故每念
及此不覺掩卷而長嘆也區區之愚尤
願與海內同志共講求焉李侯蒞吾邑
百務俱舉上下交孚而尤惓惓於此志
可謂知所先務者維時邑博何君載圖
郭君維恩楊君來鳳邑丞郭君知彰三

簿張君文衡胡尉其煥皆始終其事例
得並書李侯名華然汝上人庚戌進士
萬曆歲在乙卯菊月邑人馮從吾仲好
書

長安縣志序

談形勝推關中居首則陝省天下第一
與區也其置郡有京兆省之第一郡也
漢初都櫟陽後遷長安長安周鎬京地
置縣始此文郡之第一邑也邑爲第一
則邑之關於一省一郡也大矣是必天

長安縣志

吳序

下第一實心任事之人作之宰則邑之
治可以第一稱而邑之表往古示來茲
第一切于治體如志書者始藉以傳不
朽然自我

盡清定門來宰是邑者屢矣恒楛楛弗違

唯我

邑侯梁公以天下第一實心任事之人
蒞茲一省一郡之第一邑下車之日冷
面岸然初疑其錚錚嶷嶷將凌厲我也
而侯不然又見其沉默徑遂以爲淵靚
或疾急而機利而侯又不然間有數事
亮執沕沕悶悶意侯胸中有偏主而侯

更不然侯之大旨歸于爲民而已矣催
科不忍也而限之程隸粟弗煩也而息
其擾讖决不貫索而空禁摘不鋤筭而
戢干阢不枹鼓而嚴郵傳不觥飯而傍
輿所部士大夫交以誠不徇不逆所以
冠紳也在公鮮餘晷月必蒞學宮勞

諸生之僞異者以文兼以行彼僞而
雖時好弗弋也所謂膏雨吾坐襦袴吾
人教誨吾子弟者無愧古循良侯真實
心任事之人我今政成化洽其第一治
聞于

如懷州刺史例陞授河州醴泉父老乞

留弗驗以常情論亦赤子釋懷時也而
侯曰嘻余邑第一邑也舊志漫漶殘闕
七年來米菟乃心因有蠹藏籍期觀
厥成而通志未出弗敢先茲通志告竣
余又適當去余之矢堂聯曰寸祿不敢
電矣一日辦一日事今猶飯是土也訓

志之輯余之責也夫是討論馮恭定
之遺記手自裁決然膏繼晷寧簡母繁
寧嚴毋濫侯之意以志以紀事他固弗
敢畧惟忠孝廉節之事乃一邑之勸戒
係焉一郡之邑視之推之一省亦以此
邑倡甚不欲以一茶一縑假以智井之

節刮骨之孝也更不欲以第一邑之良
史浸淫爲一人之家譜也故持之斷任
之不嫌專卽此一心可尙友作字之聖
祖而驅駕扶風矣所謂第一實心任事
之人不信然歟越月志成將付剞劂徵
言于恂恂不敏何足以知之但知我侯

爲第一實心任事之人而已以實心任
事之以成此第一邑表往古示來取不
朽之傳書書曰平康正直敷言訓行以
近天子之光于侯徵之矣行且爲


天子恤積石鳳凰之編戶去害馬集哀鴻
屯戍不驚邊陲晏然舒

楚西顧之憂勒

一 代太平之章晉秩錫爵天年顧之豈但
一省一郡之一邑推第一哉然恂猶多
侯之繼過志而出也蓋以議爲任也較
之功成攘臂者其度量之廣狹爲何若
一郡是爲序

康熙戊申孟夏上浣之吉

吏部進士吳景恂謹書



大司馬賈公撫秦至五載爲康熙丁未
是年春以陝西通志屬校於小吏咸寧
丞傅芳檄曰惟丞好學而不矜才

大方伯澹菴顏公亟稱之以下皆雅好
而器重之惟長安咸寧二令能好德如

長安縣志

郭序

好色知禮而善準乎義其實丞以襄典
故傳受命維謹用不敢叫謙於上公焚
膏繼晷正其世代刪其繁蕪疏其滯謬
去其雷同八閱月而校書成以長安冠
冕要輔從來者舊不敢自任爲能信復

徵縣志於大令梁公梁公取他日

適市中所得舊本一秩爲質曰禹甸
志哉長安稱縣自漢高祖始高祖心慕
長安之地與項氏百戰得都於斯此前
之始皇欲長久而不可得後之武德貞
觀仰爲振古之業也高祖以難得之勢
一旦爲坐致之基乃復狎小古地而以

長安縣志

郭序

二

縣抑之以京兆轄之轉移天下之故在
人主之重不重爾今縣千百年矣山川
土地上繼於周戶口田畝迄掌於

當
代天子之臣人物風俗毀譽佞厚之別

豈惟今不足徵將古人有遺譏焉禹甸
何志哉嗟乎梁公真知禮者哉傳聞齊

太史書崔杼事兄弟被死者二而南史
猶執簡以往千古而下稱其直北齊魏
取修魏書欲爲陽休作佳傳及納爾朱
榮子金又減所惡以增私善未傳而人
稱其穢然則記事可易任哉梁公治長
安六年能於今日稱南史之直特不辱
於當時貽魏書之穢戊申春

天子擢公守河州公綏視一切亟出其舊

志善本竭疲力以公梓剛其用仁於古
今之間者遠矣予質梁公行事爲人正
已能率下其事業日月創起精神尤多
可表見獨於縣志一事兢兢焉不敢自

我爲新書而又哀其絕而思其續於市
得舊本一秩珍襲若楚犯之上寶至今
損益不加予奪不立其尊古而不敢竊
用今而不敢當真於長安爲仁令矣夫
仁人乃不敢作然則此志可易視哉

青門貳吏雲中郭傳芳拜首書



續修長安縣志序

夫志與史並傳而不朽也史以列治亂
別善惡而風鑒昭焉志則有盛必錄
媿弗彰體裁雖異其所以治治亂亂善
善惡惡可以鑒可以風者無不同豈徒
鋪張揚厲爲一時之觀已哉長安爲周

長安縣志

梁序

及秦漢隋唐故都其風俗山川人物非
他赤縣可方舊有志爲馮少墟先生手
裁灰於兵燹已廿餘年旬叨蒞茲土傷
典冊之散佚慨文獻之不足卽欲亟爲
修舉簿書鞅掌固有志而未逮也會

大中丞賈公振興曠典雍書告竣頌